

ՎՐԵԺ ՄԿՐՏՉԻ ՎՄԴԱՆՅԱՆ*Պատմական գիտությունների դոկտոր***ԴՎԻՆԻ 554 ԹՎԱԿԱՆԻ ԵԿԵՂԵՑԱԺՈՂՈՎԻ****ՀԱՆԳԱՍԱՆՔՆԵՐԸ**

550-ական թվականների սկզբներին սասանյան դուռը, ելնելով իր քաղաքական շահերից, հանդուրժող վերաբերմունք ուներ Հայոց Եկեղեցու նկատմամբ: Հայաստանի պարսիկ մարզպանը, հետևելով խոսքով I Ամուշիրվան արքայի (531-579) հրահանգներին, դրական դիրքորոշում ուներ Հայոց Եկեղեցու հանդեպ: Սակայն բարեգուշակ հնչեղանգներ ունեցող այդ քաղաքականությունը ուներ մաս բացասամետ դրսևորումներ, որոնք ի դերև էին հանում պարսից արքունիքի և Հայ Եկեղեցու միջև փոխադարձ վստահության և կայուն հարաբերությունների հնարավոր հեռանկարները: Հայոց Եկեղեցու դրությունը բարդացավ մաս այն պատճառով, որ նույն ժամանակ Բյուզանդիայում Հուստինիանոս I կայսեր (527-565) կողմից քաղկեդոնականությունը հռչակվեց պետական դավանանք, ի հետևանս որի, Հայ և Հույն Եկեղեցիներն անջրպետվեցին միմյանցից, և նրանց միջև ծայր առան դավանաբանական, եկեղեցաբանական բանակոխվելներ: Ստեղծված պայմաններում Հայոց Եկեղեցին հարկադրված էր հոգևոր-գաղափարական պայքարի դաշտ մտնել՝ մաքառելով երկու ճակատում՝ Բյուզանդիայի կայսերականացված Եկեղեցու և նրանով զորացած մետոքականության դեմ: Անհավասար այդ գոտեմարտում հայ հոգևորականներն ստիպված էին դաշնակիցներ որոնել Արևելքի քրիստոնյաների մեջ և, անշուշտ, պատեհության շրջանակներում, ջանում էին ապահովել Հայ Եկեղեցու նկատմամբ արյաց տիրակալի բարեհաճ վերաբերմունքը: Հարկ է նշել, որ Բյուզանդիայի քաղկեդոնական Եկեղեցու հանդեպ հայ հոգևորականության ներհակ դիրքավորումը դրական արձագանք գտավ սասանյան արքունիքում, քանի որ վերջինս հասու եղավ այն իրողությանը, որ Հայոց Եկեղեցին, հայ ժողովուրդը այլևս դավանական միության մեջ չեն Բյուզանդիայի քաղկեդոնական Եկեղեցու հետ: Այդ հանգամանքը Հայաստանն անջրպետում էր Բյուզանդիայից մաս քաղաքականապես և արյաց տիրակալին հույս ներշնչում Հայաստանը պահել իր պետական-քաղաքական ուղեծրում՝ Հայ Եկեղեցին անհրաժեշտ պարագաներում դարձնելով օրինապահ և համակերպվող:

Իհարկե Հայ Առաքելական Եկեղեցին, որպես հայ ժողովրդի հավաքական գոյություն, նրա ստեղծած հոգևոր-մշակութային արժեքների, ներքին ինքնուրույնության պահպանման զորեղ գործոն, հետամուտ էր ազգային արժեքները օտարի ձուլող քաղաքականությունից ձերբազերծելուն: Հայ հոգևորականները հասկանում էին, որ սասանյան դուռն հանդուրժամիտ վերաբերմունքն անցողիկ է: Արդեն 540-ական թթ., Հայոց կաթողիկոս Ներսես

Բագրևանդացու (548-557) արժանապատիւ տարիներին, վերաբարձովեցին պարսից պաշտոնեւորան կողմից Հայ Եկեղեցու հանդէպ կիրառած կրոնական հալածանքները: Այս առումով ուշագրավ վկայություն ունի Ստեփանոս Տարոնեցին (Ասողիկ): Համաձայն նրա հաղորդած մի տեղեկության, Հայաստանի պարսիկ պաշտոնատար Դեմշապուհը «գործողական հուրն վառեաց ի Ռշտունիս և ստիպէր զքրիստոնեայս կրակի երկիր պազանել»¹: Ենթադրվում է, որ խոսքով արքան, անսալով Հայոց Ներսէս Կաթողիկոսի թախանձանքին, Դեմշապուհին ետ է կանչել Հայաստանից՝ այնտեղ մարգպան նշանակելով Վահրամ Վշմասպին, որն արյաց տիրոջից իբր հրահանգ ուներ մոգերին թույլ չտալ բոցի միջոցներով կրոնաւիժն անել հայերին²: Սակայն, ինչպէս հավաստում են հայ մատենագիրները, Վահրամ Վշմասպը շարունակել է իր նախորդի անհանդուրժող քաղաքականությունը քրիստոնյաների նկատմամբ, որի հետևանքով Սասանյանների գերակայության ոլորտներում գտնվող ըզզում քրիստոնյաներ թոնոթյամբ հավատաւիժն են արվել կամ սրի մատնվել³: Հասկանալի է, հայերը ևս պետք է ենթարկվեին Սասանյան տերության մեջ հարուցված արծարծված կրոնական հալածանքներին:

Մյուս կողմից շարունակվում էին դավանական հակամարտությունները Հայ և Բյուզանդական Եկեղեցիների միջև: Հայոց Եկեղեցին, ընդհուպ մինչև 554 թ. Դվինի եկեղեցածողովը, տակալին պաշտոնապես և բացորոշ ձևով չէր անջրպետված Բյուզանդիայի քաղկեդոնական Եկեղեցուց, սակայն հետզհետե ավելի էր խորանում նրանց միջև զգված անջրպետը: Քաղկեդոնականության և նեստորականության նկատմամբ Հայոց Եկեղեցու ժխտական վերաբերմունքը նկատի առնելով Պարսկաստանի միաբնակ ասորիներն ապավինեցին Հայ Եկեղեցու հովանավորությանը: Մասամբ նրանց ջանքերով էր, որ պարսից դուռը վերահասու եղավ այն իրողությանը, որ հայերի և միաբնակ ասորիների դավանական կողմնորոշումն ունի հակաքաղկեդոնական, հակաբյուզանդական ուղղվածություն: Այսպես կարծելուն թելադիր է այն փաստը, որ Դվինի 554 թ. ժողովից քիչ առաջ Հայոց Կաթողիկոս Ներսէս II-ի կողմից միաբնակ ասորից եպիսկոպոս ձեռնադրված Արդիշոն⁴ հայտարարեց, որ Պարսկաստանի «արքայից արքայի հրաման է, թէ իւրաքանչիւր ոք զիւր հաւատ կայցի»⁵: Ստեղծված պայմաններում սասանյան արքունիքն իրեն հպատակ քրիստոնեական Եկեղեցիներից առաջնությունը վերապահեց Հայոց Եկեղեցուն: Նեստորականությունը մղվեց հետին դիրքեր և թուլացրեց պայքարը

¹ Ստեփանոս Տարոնեցույ Ասողկան Պատմութիւն տիեզերական, Ա. Պետերբուրգ, 1885, II, Բ, էջ 84:

² Մ. Չամչեան, Պատմութիւն Հայոց, Բ, Վեներտիկ, 1784, էջ 257: Մ. Օրմանեան, Ազգապատում, Ա. Կ. Պոլիս, 1912, էջ 537: Մ. Չամչեանն այս դէպքերի ժամանակ Հայոց Կաթողիկոս է հիշում Մովսէս II Եղվարդեցուն, որը սակայն զահակալել է ավելի ուշ՝ 574-604 թվականներին:

³ Հաւաքումն պատմութեան վարդապետի, Վեներտիկ, 1862, I, էջ 57: Սամուէլ քահանայի Անեցույ Հաւաքմունք ի գրոց պատմագրաց, Վաղարշապատ, 1893, էջ 74:

⁴ Ազգությամբ ասորի:

⁵ Գիւրջ թղթոց, Թիֆլիս, 1901, էջ 60:

միաբնակների դեմ՝ առաջին հերթին, իհարկե, տեղի տալով Հայ Եկեղեցու հարաճուճ և գորավոր ազդեցության առջև: Այս իրողության ապացույց է այն փաստը, որ մեստորականները հրաժարվեցին միաբնակ ասորիների հետ ունեցած հակամարտությունը վերաթափելուց՝ երկյուղելով, որ հայերի հորդորով արյաց արքան կարող է հալածանքներ հարուցել իրենց դեմ⁶:

Սասանյան արքա խոսքով Անուշիրվանը, ելնելով իր քաղաքական շահերից, հաշվի առավ Հայոց Եկեղեցու հակաքաղկեդոնական դիրքորոշումը և ըստ այնմ մշակեց իր քաղաքականությունը նրա հանդեպ: Արյաց արքան տեղյակ էր, որ Հայոց Եկեղեցին հետևողական կերպով անհաշտ դիրքավորում ունի Բյուզանդիայի Եկեղեցու հանդեպ, որը, հովանավորվելով Հուստինիանոս I կայսեր կողմից, աստիճանաբար ուժեղացնում էր պայքարը միաբնակների և առաջին հերթին, իհարկե, Հայոց Եկեղեցու դեմ: Հենց Դվինի ճշված ժողովի նախօրյակին, 553 թ., կայսրը կոստանդնուպոլսում գումարեց հինգերորդ Տիեզերածողոսը, որը հաստատեց Քաղկեդոնի 451 թ. ժողովի որոշումները, Լեոն Պապի հավատո քանաձևը: Սակայն Արևելքի (Եգիպտոսի, Պարսկաստանի, Հայաստանի, Ասորիքի) միաբնակ քրիստոնյաները չընդունեցին այդ ժողովի որոշումները: Միջազեռքի միաբնակ ասորիները, որ ժամանակին մասնակցել էին Քաղկեդոնի ժողովին⁷, նույնպես դեմ ելան Կ. Պոլսի 553 թվականի ժողովի ընդունած որոշմանը: Մինչդեռ մեստորականությունը, մոր շունչ ու ոգի առնելով այդ տիեզերածողովից, իր շոշափուկները տարածեց մահ արաքական աշխարհում⁸: Կ. Պոլսի 553 թվականի տիեզերածողովի նպատակն էր՝ Քաղկեդոնի 451 թ. տիեզերածողովի որոշումները պարտադրել կայսրության արևելքում մեծամասնություն կազմող հույն քրիստոնյաներին: Ընդ որում, վերջիններս միջավայրում քաղկեդոնականության հավատարիմ հենարանը մեստորականներն էին:

Ստեղծված պայմաններում Հայոց Եկեղեցին հարկ է, որ ցուցաբերեր արմատական դիրքորոշում Կ. Պոլսի հիշյալ ժողովի ընդունած որոշումների հանդեպ: Ռա ամերկյա հավատամքով դրսևորվեց 554 թ. Դվինում գումարված ժողովում, որտեղ հայ հոգևորականները պարզորոշ կերպով հրապարակեցին Հայոց Եկեղեցու դավանական դիրքորոշումը՝ արտահայտելով հայ ժողովրդի հավաքական կամքը: Միաբնակությունը քննական կերպով խոր արմատներ էր ձգել ժողովրդի ընդերքում՝ դառնալով հոգևոր հարամա արժեք և դավանական ինքնորոշում: Հայ ժողովրդի հոգուն խորթ էր Հոռմեական Եկեղեցուն ծնունդ առած քաղկեդոնականությունը, որին ի հակակշիռ, հայ ժողովուրդը և Հայոց Եկեղեցին հոգևոր քնական մղումով պահպանեցին միաբնյա դավանանքը՝ այն դիտելով որպես քրիստոնեության նախնական և առավել անաղարտ, ճշմարիտ և Հայոց հոգևոր հայրերից ավանդված հավատք: Բայց

⁶ «Հայք արքայից արքայի ցուցանեն և մեզ չարաչար աշխատութիւն հասուցանեն» (Գիրք թղթոց, էջ 60):

⁷ J. Mansi, *Sacrorum conciliorum nova et amplissima collectio*, vol. VII, 1960, P. 144, 165.

⁸ Н. Пигулевская, *Арабы у границ Византии и Ирана в IV-VI в.в.*, Москва – Ленинград, 1964, с. 15.

առավել կարևոր էր այն հանգամանքը, որ քաղկեդոնական դավանանքի ընդունումը Հայոց Եկեղեցուն կախման մեջ կզցեր Բյուզանդիայի կայսերականացված Եկեղեցուց, որի հետևանքով Հայ Եկեղեցին պետք է զրկվեր իր հոգևոր ինքնությունից և ընկներ կայսրության քաղաքական ազդեցության տակ, նաև կորցներ իր ապահարկությունը (բյուզանդական կղերը չուներ այդ առանձնաշնորհ վիճակը): Եվ իրերի բնական ընթացքով Հայոց Եկեղեցին պայքարի մեջ մտավ իր ոգուն խորթ քաղկեդոնականության դեմ: Դավանական այդ անհավասար ոգորումներում նրան գորակցում էին Արևելքի միաբնակ քրիստոնյաները՝ իրենց գաղափարական զինանոցի՝ Ալեքսանդրիայի Եկեղեցու գլխավորությամբ:

Դվինի 554 թ. ժողովը, Կ. Պոլսի 553 թ. ժողովին բացասաբար արձագանքելով, պետք է հստակ ու որոշակի պատասխան տար այն հարցին, թե Հայ Եկեղեցին դավանական ինչպիսի դիքորոշում է ունենալու, արդյոք պահպանելու է իր դավանական ինքնությունը դիմագիծը, թե՞ կախման մեջ է ընկնելու Բյուզանդական Եկեղեցուց: Դա ուներ նաև քաղաքական կարևոր նշանակություն, քանի որ Հայ Եկեղեցին մարմնավորում էր նաև հայոց պետաիրավական ինքնակայությունը: Որպես հայ ժողովրդի միասնության, նրա պետականության կրող, Հայոց Եկեղեցին դառնում էր նաև քաղաքական ազդու գործոն, ուստի նրա դավանական ուղեգիծը ուներ նաև քաղաքական ինքնորոշման նշանակություն և նպատակամիտված էր հայությանը զերծ պահել օտարի ուժացնող ազդեցությունից: Եկեղեցու նման դերն առավելագույնս կարևորվում էր այն պատճառով, որ կայսերականացված քաղկեդոնականությունը հետզհետե ավելի էր վերածվում Բյուզանդիայի արևելյան քաղաքականության հենարանի: Ուստի այդ դավանության հանդեպ ժխտողական վերաբերմունքն ինքնին հայ ժողովրդի և նրա Եկեղեցու բնական հակազդեցությունն էր կայսրության համաձուլարար քաղաքականությանը: Այս հանգամանքը Հայոց Եկեղեցուն հարկադրում էր սահմանազատվել քրիստոնյա հզոր հարևանից ու նրա Եկեղեցուց և կողմնորոշվել դեպի նրանց ներհակող ուժերը՝ լիապես բացառելով նաև Բյուզանդական Եկեղեցու հետ նվիրապետական միության դույզն իսկ հնարավորությունը: Անշուշտ, նման ուղեգիծը ցայտունորեն դրսևորում էր Հայոց Եկեղեցու ինքնագոհիմքերի կայունությունը: Այն վկայում էր նաև, որ Հայոց Եկեղեցին թե՛ հոգևոր և թե՛ քաղաքական առումներով դարձել է հայ ժողովրդի պատմական ճակատագիրը կերտող զորեղ ու ճանաչված ուժ:

Փաստորեն Հայոց Եկեղեցին անհավասար մաքառումների դաշտ էր նետվում թե՛ դավանական և թե՛ քաղաքական ասպարեզներում: Նրա հենարանը հայ ժողովուրդն էր և նախարարական հայ ասպետությունը՝ երկրի ներքին ինքնավարության գորեղ պահապանը:

Հայոց Եկեղեցին իր դիրքերն ամրապնդելու համար առաջին հերթին պետք է խորտակիչ հարված հասցներ նեստորականությանը, որպեսզի ձեռքագատվեր երկու ճակատում մաքառելու ստիպողական անհրաժեշտությունից: Ուստի Դվինի 554 թ. ժողովն իր առաջին հարվածն ուղղեց քաղկեդոնա-

կանության հոգևոր ակունքներից մեկը համարվող կրոնական այդ հոսանքի դեմ՝ պաշտոնապես մերժելով այն: Ժողովի ընդունած «Ուխտ միաբանության հայոց աշխարհիս» վերտառությամբ վավերագիրն ամբողջ հայ ժողովրդի կամքն արտահայտելով, բացորոշ կերպով ազդարարում էր, որ պարսից խոսքով Անուշիրվան արքայի 24-րդ տարում, իսկ՝ 554 թ., Դվինում հայերը հավաքվեցին ժողովի՝ նեստորականների դեմ պայքարելու նպատակադրությամբ⁹: Թեև ժողովական այդ թղթում բոլորովին չի նշվում քաղկեդոնականության անունը, սակայն, ինչպես ճիշտ կերպով նկատել են ուսումնասիրողները, այդտեղ նեստորականության տակ նկատի են առել նաև քաղկեդոնականությունը¹⁰ դրանով իսկ շեշտելով նրանց դավանական երկվորյակներ լինելու հանգամանքը: Ժողովական այդ վավերագրում պայքարի սլաքը ուղղված է խոմաստանցի իբրև վաճառականներ Հայաստան թափանցած նեստորական աղանդավորների դեմ: Ժողովը դեռևս պատե՛հ չէր համարում պաշտոնապես մարտահրավեր նետել քաղկեդոնական դավանանքի կղերին և խուսափում էր Բյուզանդական եկեղեցու հետ բացորոշ առնակատումից:

Դվինի ժողովի հռչակած դավանաբանական սկզբունքներն արտահայտում էին Հայաստանի բոլոր գավառների հոգևորականության լիաբուռն կամքը: Դժվար է համաձայնվել այն կարծիքին, թե իբր ժողովի գումարման պահին հարավային Հայաստանի եպիսկոպոսները համակիր էին նեստորականներին, կամ էլ Պարսից պետության կողմից նրանց հանդեպ ցուցաբերած հովանավորության պատճառով հրաժարվել էին նեստորականության դեմ պայքարելուց, որպեսզի չհարուցեին սասանյան արքունիքի դժգոհությունը¹¹: Սակայն այն փաստը, որ հարավային Հայաստանի առավել ազդեցիկ Մարդպետական և Արծրունյաց եպիսկոպոսները ստորագրել են Դվինի ժողովի ընդունած «Միաբանության ուխտի» տակ, բացառում է նման եզրահանգման հնարավորությունը: Նշենք նաև, որ խոմիկ (խոմաստանցի) նեստորականները, ինչպես վկայված է նշված ժողովական «ուխտ»-ում, հարավային Հայաստանում ազգով պարսիկ քրիստոնյա Գրիգոր Մանանդիր Ռաժիկի անունով (նախատակվեց 549 թ. Դվինում, Դեմշապուհ մարզպանի ձեռքով) կառուցեցին եկեղեցի (նույն 549 թվականին)՝ կամենալով Հայաստանի հարավային շրջաններում տարածել իրենց ուսմունքը, սակայն հարավային Հայաստանի հայ հոգևորականներն ավերել տվեցին այդ եկեղեցին՝ դիտելով այն իբրև նեստորականների հերձամետ գաղափարների կենտրոն¹²: Հարկ է նշել նաև, որ Դվինի Ռիշյալ ժողովից հետո Դվինի Մայր Աթոռից վառարականի եկեղեցականներին ուղարկվեց հատուկ գրություն՝ «Որոշումն

⁹ Գիրք թղթոց, էջ 72:

¹⁰ Կ. Տեր-Մկրտչեան, Հայոց եկեղեցու պատմություն, Ա. Վաղարշապատ, 1908, էջ 211; Ե. Տեր-Մինասեան, Հայոց եկեղեցու յարաբերությունները ասորոց եկեղեցիների հետ, Էջմիածին, 1908, էջ 107; Մ. Օրմանեան, Ազգապատում, Ա, էջ 547:

¹¹ Ե. Տեր-Մինասյան, Պատմա-քանասիրական հետազոտություններ, Երևան, 1971, էջ 374:

¹² Գիրք թղթոց, էջ 72-73:

Գնատրականացմ է սրբոյ եկեղեցւոյ» վերտառութեամբ¹³, ուր վերստին շեշտվում է Գնատրականութեան դեմ պայքարի հրատապ անհրաժեշտութիւնը: Այդ գրութիւնը ոչ թե վկայութիւն է Գնատրականների հետ վասպուրականի հոգևորականութեան մերձակայութեան մասին, այլ ընդհակառակը. վերջիններիս համարում է այդ աղանդամետ հոսանքի դեմ մաքառող կարողունակ ուժ, որն է գործու էր հակակշռել Հայաստանի հարավային գավառներում Գնատրական քարոզիչների պառակտիչ գործունեութեանը. ինչը հետզհետեւ ավելի էր իրեն զգալ տալիս՝ սպառնալով Հայոց Եկեղեցու հիմնավորը հիմքերին:

Միաժամանակ չպետք է անտես առնել այն հանգամանքը, որ քաղկեդոնականութիւնը, Հուստինիանոս I-ի կողմից պաշտոնական դաժանանք հռչակելուց ի վեր, ինչպես վերը նշեցինք, որոշապես փոխեց Սասանյան արքաների վերաբերմունքը Հայոց Եկեղեցու նկատմամբ: Նոր իրավիճակը սասանյան դռանը հուշում էր քաղաքական նոր ուղեգիծ որդեգրել Հայ Եկեղեցու հանդէպ, քանի որ վերջինս արդեն ձեռք էր բերում գորավոր գործոնի դեր Պարսից պետութեան վարած քաղաքականութեան մեջ, մինչդեռ Նեստորական Եկեղեցին փաստորեն վերածվում էր Արևելքում Բյուզանդական Եկեղեցու հենարանի: Ուստի պայքարը Գնատրականութեան դեմ համարժեք էր քաղկեդոնականութեան բացասմանը: Հարկ է նշել, որ Հայոց Եկեղեցին քաղկեդոնականութեան դեմ պայքարը շարունակում էր Գնատրականութեան դեմ մաքառումների քողի տակ, լռելայն, պաշտոնապես չհայտարարելով այդ մասին: Դա, անշուշտ, պայմանավորված էր դիվանագիտական կանխաձեռն գործադրութեամբ: Թեև Բյուզանդիայում պաշտոնապես ընդունվել էր քաղկեդոնականութիւնը, սակայն Կայսրութեան Եկեղեցին տակավին չէր անջրպետվում Արևմտահռոմեական Եկեղեցուց, և քրիստոնեական աշխարհը երևութապես մնում էր միասնական ու մուսնադավան: Դրան նպաստեց նաև այն հանգամանքը, որ քաղկեդոնական ուսմունքը ծնունդ էր առել Արևմտահռոմեական Եկեղեցում, որն այդ պատճառով չընդդիմացավ Բյուզանդիայում քաղկեդոնական դաժանանքը պաշտոնապես ընդունելուն: Այս պայմաններում Հայոց Եկեղեցու հայրերը գոնե ձևականորեն պետք է պահպանեին միասնութիւնը քրիստոնեական Եկեղեցիների հետ և հրաժարվեին Բյուզանդական Եկեղեցու դեմ բացորոշ առճակատումից: Հայոց Եկեղեցին դեռևս չէր դիմում Բյուզանդական Եկեղեցուց բացահայտ սահմանազատման, որպեսզի ձեռք չբերի քրիստոնեական աշխարհում պառակտում և դաժանական անջատամտութիւն սերմանողի համարում, ինչը կարող էր որակվել իբրև հերձված և դատապարտվել քրիստոնեական Եկեղեցիների կողմից՝ Հայոց Եկեղեցուն նետելով դաժանական մեկուսացման գիրկը, իր բացասական հետևանքներով հանդերձ: Այդուհանդերձ, դաժանական ներհակութիւնը Հայ և Բյուզանդական Եկեղեցիների միջև ծանրակշիռ փաստ էր, որը չէր կարող զգալ չտալ իրեն: Անհրաժեշտ էր հիմնավորել հայ հոգևորականութեան

¹³ Նոյն տեղում, էջ 76-77:

դիրքորոշումը՝ հենվելով առաջին երեք տիեզերածողովներում հաստատված մախնավամեղ քրիստոնեական Հավատո հանգամանի վրա (ընդունվել էր 325 թ. Նիկիայի տիեզերածողովում), որին հակասում էր Քաղկեդոնի չորրորդ տիեզերածողովում ընդունված հավատո բանաձևը։ Պառիպանելով մախորդ երեք տիեզերածողովների հաստատած հավատքը, Հայ Առաքելական Եկեղեցին դրանով իսկ տարամիտվում էր քաղկեդոնականությունից՝ լռելյայն ձևով, առանց հրապարակային ցույցերի ու հայտարարությունների։

Հայ Եկեղեցու դիրքորոշումը հաստատում կերպով օրինակաճացվեց Դվինի 554 թ. ժողովում։ Անշուշտ այդ փաստը անկախ չմնաց ո՛չ հայ և ո՛չ էլ քյուզանդական մտաշխարհում։ Նույն ժողովին մասնակցած Հովհաննես եպիսկոպոսը, որ հետագայում բազմեց Հայոց Կաթողիկոսական գահին, Սյունյաց եպիսկոպոսին և իշխանին հղած թղթում գրում էր, որ Դվինի այդ ժողովում Հայ եկեղեցականները մզովել ու հալածական են արել «զպիղծ ցեստորիանոսս և զքաղկեդոնիտս»¹⁴։

Վենետիկի Մխիթարյան միաբանության մատենադարանում պահվող ձեռագիր ժողովածուի մեջ եղած մի գրությունն ուղղված է արիոսականության, քաղկեդոնականության և ցեստորականության դեմ։ Ընդ որում այդ գրությունը կազմվել է Մուշեղ իշխանի պատվերով (վերջինս հիշվում է Բագրատունի տոհմանունով)։ Թեև գրությունը հեղինակ չունի, թայց այն փաստը, որ դա կազմել է տվել Մուշեղ Բագրատունի իշխանը (որի պատվերով Հայոց Կաթողիկոս Ներսես II-ը գրել է մահ «Թուղթ հաւատոյ» գրությունը¹⁵), թույլ է տալիս կարծելու, որ հիշյալ ժողովածուի մեջ պառիպանված գրվածքը մուսնախ հեղինակած պետք է լինի Ներսես II-ը։ Այդ վավերագրում Կաթողիկոսը հերքում է քաղկեդոնական ուսմունքը և թուրք հետևողական միաբանների պես փորձում տեսականորեն, գաղափարաբանական առումներով հիմնավորել Հայոց Եկեղեցու որդեգրած միաբանության դավանանքը։ Նկատենք մահ, որ մուսն Կաթողիկոսի հրամանով կազմվեցին մահ Դվինի հիշյալ ժողովի ընդունած կանոնները¹⁶, որոնք կոչված էին ամրապնդելու Հայ Եկեղեցու ինքնակայությունը։

Հարկ է մահ մշել, որ հետագայում Հովհան Օձնեցի Կաթողիկոսին (717-728) վերագրված մի գրվածքում մուսնա մշվում է, որ Դվինի 554 թ. ժողովը գումարվել է Քաղկեդոնի ժողովին և մրա ընդունած Հավատո բանաձևին հակակշռելու մպատակադրումով¹⁷։ Ավելի ուշ, 865 թ., երբ Կ. Պոլսի Պատ-

¹⁴ Գիրք թղթոց, էջ 79։

¹⁵ F. Macler, *Notices de Manuscrites armeniens*, *Revue des Etudes Armeniennes*, t. II, fasc. 2, 1922, p. 248.

¹⁶ Ա. Ղլտեմազ Նստում է, թե այդ կանոնները սահմանվել են ավելի վաղ, և Ներսեսը միայն լսմագրել է դրանք (Ա. Ղլտեմազ, Սահմանք և կանոն սրբոյն Ներսեսի Հայոց Հայրապետի («Հանդես ամսօրեայ», 1908, էջ 166)։ Սակայն մահ ենթադրության համար հիմնավոր կոպաններ չկան։ Ներսես II-ի կանոնները կազմվել են մրա հրամանով (տե՛ս կանոնագիրք Հայոց, Բ, Երևան, 1971, էջ 200 և հտ.)։

¹⁷ Գիրք թղթոց, էջ 221։

ռիարք Փոտի կողմից արծարծվեց Հայ և Բյուզնդական Եկեղեցիների միության խնդիրը, Հայոց Կաթողիկոս Զաքարիա Ջազեցուն Փոտի հղած թղթում նշվեց, որ հայերը 554 թ. Դվինի ժողովում մերժել են Քաղկեդոնի ժողովի որոշումները¹⁸։ Նույնն է հավաստված նաև 11-րդ դ. վրաց մատենագիր Եփիմիոս Երոսաղեմցու «Հակաճառություն ընդդեմ Սոսթենես Մարմաշենցու» գրվածքում¹⁹։

Պարսից արքունիքը նույախ վերահասու եղավ Դվինի ժողովի հակաքաղկեդոնական ուղղվածությանը և, բնականաբար, դրականապես արձագանքեց հայ հոգևորականության դիրքորոշմանը։ Փոտ Պատրիարքի հիշյալ թղթում հավաստվում է, որ Դվինի ժողովից հետո պարսից արքա Խոսրով I Անուշիրվանը քարեհամ վերաբերմունք է ցուցաբերել Հայ Եկեղեցու նկատմամբ՝ նրան վերապահելով նաև «Հայոց աշխարհի հարկահանության գործը» տնօրինելու իրավունքը²⁰։ Անշուշտ այս տեղեկությունից չպետք է միանշանակ հետևեցնել, որ պարսից արքայի կողմից Հայ Եկեղեցու հանդեպ ցուցաբերած բարյացակամ վերաբերմունքը բխում էր հայ ժողովրդի և նրա Եկեղեցու շահերից։ Սասանյան գահակալն ամենից առաջ հետամտու էր իր պետության քաղաքական շահերին։ Նա համոզված էր, որ Հայ Եկեղեցին, մերժելով քաղկեդոնականությունը, դրանով իսկ փոխում է իր քաղաքական կողմորոշումը՝ մերձակցության հաստատում եզրերի դիմելով Պարսից պետության և նրա շահնշահի հետ։

Փոտի վերոնշյալ թղթում ասվում է, որ Խոսրով Անուշիրվանը «դաշինքի մեջ մտավ» Հայոց Կաթողիկոսի հետ, նույնիսկ իր որդուն դարձրեց նրա որդեգիրը²¹։ Անշուշտ ստեղծված պայմաններում Հայ Առաքելական Եկեղեցու քաղաքական վարքագիծը չուներ հակասասանյան միտումներ։ Սակայն Հայաստանի եկեղեցապետական միասնության հզոր կոպան հանդիսացող Հայ Առաքելական Եկեղեցին, քրիստոնեության պատվարը լինելուց զատ, գրավոր կանոնադրումներով օրինակարգում էր երկրի պետա-իրավական, քաղաքացիական հարաբերությունները՝ այնտեղ ստեղծելով միասնական իրավակեցություն՝ ի հակակշիռ Սասանյան պետության և նրա պաշտոնական գաղափարաբանությունը դարձած գրադաշտական կրոնի։ Այս համգամաքը չէր կարող անտեսվել Սասանյան արքունիքի կողմից։ Այն անխուսափելիորեն հակադրություն էր ստեղծում պարսից վերնախավի և Հայոց Եկեղեցու միջև։ Ասվածից հետևում է, որ վերջինիս հանդեպ սասանյան տիրակալի վերաբերմունքը չպետք է բացարձակացնել։

Փաստորեն Դվինի 554 թվականի ժողովն ի դերն համեց Քաղկեդոնի 451

¹⁸ Православный Палестинский своряник, т. XI, вым. I, С. Петербург, 1892, с. 181.

¹⁹ Լ. Մելիքսեթ-բեկ, վրաց աղբյուրները Հայաստանի և հայերի մասին, Ե. Ա. Երևան, 1934, էջ 106-107:

²⁰ Православный Палестинский своряник, XI (I), с. 181.

²¹ Նույն տեղում։ Փոտի այս թղթի մասին տե՛ս նաև «Փուլք Փոքրայ Պատրիարքի առ Զաքարիա Կաթողիկոս Հայոց Մեծաց», աշխ.՝ Ն. Ակինեսյանի («Հանդես ամսօրեայ», 1968, թ. 1), Պ. Անանյան, Փոտ Պատրիարքի թղթակցությունը հայոց հետ («Բազմավեպ», 1990, թ. 1-2):

թ. տիեզերածողովի որոշումները՝ Կ. Պոլսի 553 թ. տիեզերածողովի կողմից Հայ Առաքելական Եկեղեցու պարտադրելու փորձերը, և մեկընդմիջ տեքստերի քաղկեդոնյան հավատո քանաձևը՝ անդառնալիորեն որդեգրելով միաբնակության դավանանքը: Դրանով իսկ ցայտունորեն դրսևորվեց Հայոց Եկեղեցու դավանական և նվիրապետական անկախությունը մյուս Եկեղեցիներից և ավելի կարևորվեց նրա՝ իբրև քաղաքական ազդու գործոնի դերը հայրուգանական և հայ-պարսկական հարաբերություններում: Հարկ է նշել, որ հայ ժողովրդի և նրա Եկեղեցու համար միաբնակությունն ուներ նաև քաղաքական ինքնորոշման նշանակություն: Այն գորեղ հարևանների ուժանող միտումներից ժողովրդին ձերբազերծելու գորավոր միջոց էր:

Հայաստանի հոգևոր-մշակութային և հասարակական-քաղաքական կյանքում Դվինի 554 թ. ժողովի դարակազմիկ նշանակությունը դրսևորվեց նաև նույն թվականին Հայոց մեծ թվականի ընդունմամբ: Ստեփանոս Տարոնեցու հավաստմամբ, 554 թվականին հայ և բյուզանդական Եկեղեցիների միմյանցից սահմանազատվելն այն աստիճանի նշանավոր իրողություն էր, որ այդ տարվանից հայերն սկզբնավորեցին իրենց ազգային թվականությունը՝ «կարգեցին զթուականն Հայոց»²²: Հայ մատենագիրները Հայոց մեծ թվականի ընդունումը հարակցում են Դվինի 554 թ. ժողովի հետ՝ նկատի առնելով այն հանգամանքը, որ հենց այդ ժողովում էր, որ առաջին անգամ դրվեց հայկական ինքնուրույն թվական ստեղծելու խնդիրը, որի լուծմամբ Հայոց Եկեղեցին կարող էր ստեղծել առավել ինքնուրույն տոնացույց և ծիսակարգ:

Հովհան Օձնեցի Կաթողիկոսի՝ հայոց ներկեղեցական և իրավական կյանքի այդ մեծ բարեկարգողի անուշով պահպանված վերոհիշյալ գրության մեջ նույնպես նշված է, որ Դվինի 554 թ. ժողովը կայացել է «ի սկզբան թուկանութեանս Հայոց»²³:

Սամուել Անեցու հավաստմամբ, «իմաստունքն ժամանակին ի միասին եկեալ կարգեցին թուական Հայոց» որով ուղղեսցեն զՋատիկն Տեառն՝ այսովք հանդերձ»²⁴:

Դվինի 554 թ. ժողովը հիտավի դարձանք էր Հայ Առաքելական Եկեղեցու պատմության մեջ:

²² Տե՛ս Ստեփանոս Տարոնեցի, II, A, էջ 82-83:

²³ Գիրք թղթոց, էջ 221:

²⁴ Սամուել քահանայի Անեցույ Հաւաքսունց ի գրոց պատմագրաց, աշխ. Ա. Տեր-Միքելեանի, Վաղարշապատ, 1893, էջ 74: Նկատենք, որ թեև Հայոց մեծ թվականը հաշվվում է 552 թ. հուլիսի 11-ից (երբեմն 553 թ. հունվարի 6-ից), բայց այդ թվականն ստեղծելու որոշումն ընդունվել է 554 թ. Դվինի ժողովում: